



# Якстерь Галстук



МАЙ  
1939 5 №



# ЯКСТЕРЬ ГАЛСТУК

(Красный галстук)  
**ЖУРНАЛСЬ**  
Лисенди 7-це кизось

5-це №  
**МАЙ**  
1939 к.

Пионеронь и школьниконь эрь  
ковня лисенди журнал.  
НОЛДАЙНЗА: ВЛКСМ-нь  
Мордовская обкомсь и  
МАССР-нь НКП-сь

Ответ. редакторсь Н. ТИШКИН  
Лит. редакторсь Г. ПЬЯНЗИН

## НОМЕРСА СЪОРМАТФ:

Майть 1-це шиц — боевой революционной праздник . . .	1
Ф. Дурнов — Тундась вирьса . . . . .	2
А. Малькин — Тядясь иденцты . . . . .	3
В. Волков — Мази Майсь . . . . .	3
В. Димитриев — Владимир Коккинаки . . . . .	4
Е. Дочкал — Михаил Гордиенко . . . . .	5
И. Шерстин — Геройхть . . . . .	6
А. Мезьякаев — Кузь ала . . . . .	14
А. Алешин — Ванянь Просанясь . . . . .	18
А. Малькин — Лагерьса . . . . .	18
М. Капков — Кельгса тундась . . . . .	18
Якстерь вазьне . . . . .	19
Шашкаса налхкома тонафнихненди лезксонди . . . . .	21



# Майть 1-це шиц—боевой революционной праздник

Тячи, международной солидарностень праздник—Майть 1-це шиц, конань праздновасазь сембе миронь трудящей народсь.

Нинге 1912-це кизоня первомайский листовкаса Сталин ялгась сьормадсь:

„...Тя ульсь 1889-це кизоня, мзярда сембе странань социалистонь парижский конгресса рабочайхне путозь именна тячи, Майть 1-це шистонза, мзярда природась сргозсь тялонь удоманц эзда, вирьхне и пантне вельхтявсть пижеса, паксятне и лугатне наряжавсть панчфса, шись ушеткшни сядя лямбоста эждея, воздухса маряви откстомомань радость, а природась предається кштимас и ликованияс,—синь решили именна тячи азомс сембе мирти, што рабочайхне кандыхть человечествати тунда и освобождения капитализмать оковонзон эзда, што рабочайхне призваннайхть свободать и социализмать основаснон коряс мирть одкстоптома“.

Социалистический павазу родинань многонациональной радостнай народсь—рабочайхне, колхозникне и советский интеллигенциясь, синь павазу и радостнай идьсна, конат фатяфт Коммунистический партиять и советский правительствать заботаснон мархта, и лична сонцень, сембонди кельговикс, родной и мудрай Сталинтть эрь шинь заботанц мархта, Майть 1-це шинц васьфнесазь стахановский трудонь оцю од показательса, отличнайста тонафнемаса и творческий энтузиазмаса.

Но тундань тя оцю праздникть аф минь лацонк радостнайста васьфнесазь капиталистический странань рабочайхне, сембе трудяйхне, синь идьсна, конат нинге тячимс люпштафт капитализмань кабальной трудса. Капиталистический страна-

са тячимс нинге аф лувомшка лама безработнайда, конат работафтома шить сюнеда ащихть вачеда.

Майть 1-це шистонза капиталистический странань ошнень ульцява революционной рабочинь демонстрантнень панцесазь фашистский пинетне—полициясь, синь зверкс пикссихть демонстрантнень. Но кодамовок гразямаса и ляцендемаса озверелай фашисттненди аф лоткафтови революционной пролетариатть боевой тевоц,—революционной движениясь.

Международной пролетариатсь сембе вийнь пуроптозь коммунистический партиять руководстванц ала кеподьсы марнек мирть вельхкса мировой революциянь якстерь знамать!

Минцонк, социалистический родинань ошнень и колхознай велетнень эзга оцю радостьса и гайнай мороса праздновасазь Майть 1-це шинц. Минь свободнайста моратама революционной морот, сериста вяри кепотьфста кяцонк либорьди якстерь знамась! Минь тячи гайназеви марнек мирть вельхсса боевой лозунгонке: „Класс коря братьянконди, капиталонь узникненди, фашистский террорть жертванзонды, марнек мирса рабочей классть победанц инкса борецненди—минь братский приветонке!“

Минь странаньконь пяк кельксазь марнек миронь трудящей народсь.

Минь эрь победанке вдохновляет сембе странань трудяйхнень эсь угнетательснон каршес тюремати.

Катк жа кемокстай и касы минь павазу и радостнай родинаньке, кона ащи путеводнай тяштекс сембе миронь угнетеннай трудящейхненди!

Шумбра улеза Великай Сталинцы!





Ф. ДУРНОВ

Шуфттнень жойняйхть  
Пиже лопав прясна,  
Сенем толса  
Бта синь юрнайхть.  
Морайхть нармоннятне  
Келес тяса,  
Морайхть—шуфттнень  
Од нарядснон шнайхть.  
Шнайхть синь келуть  
Коленкоронь палянц,  
Шнайхть и лаймарьксть  
Пряста акша шальть,  
Шнайхть и пичеть  
Голубойготф прянянц,  
Шнайхть и пиже  
Толганянзон кальть.  
Шуфттнень ёткса  
Тонафнихне якайхть.  
Вов учительсь.  
Кочксихть тишет, панчфт.  
Синь ботаникаста  
Кизефкст макссихть,  
Йоряйхть тейнза  
Шустрай сельмеванфт.  
Иттне ваймаяхть,  
Велькссост морайхть чёфксне,  
Морайхть —валда  
Синь тундаснон шнайхть.  
Зойняк, зойняк, вире,  
Тон тят охксне,  
А то оду  
Эрекне аф сайхть!

1939 к.



## Тядясь иденцты.

Сюролданзон шинясь новляй,  
Келькси эсот тонь, идняй!  
Касат тон, кудрявай Коля,  
Бта садса ландышкя.  
Хоть тон ёлмат, мяльце касы—  
Эряфсь рахай, морай, кшти.  
Эсот учи панжи масторсь,  
Келькси эсот якстерь кстыкс.  
Оцю ломанькс касат курок,  
Сталин ялгать мяльс туят,

Яду вракнень каршес тюрикс  
Бойса васенцесь улят.  
Пади тон улят танкистокс,  
Пади кожфть эса пилот,  
Али боевой радистокс.  
Муят слава и почет.  
Седи вакса эряфть кельгсак,  
Сяс и паваз максы сон.  
Ваны мельгаг панжи масторсь,  
Ваны мельгат Сталин сонць!



В Волков.

## МАЗИ МАЙСЬ

Ласьки, ласьки ару кожфса  
Ломань кенярьфти тундась.  
Вов ни эрек стирень мольфса  
Пиже ронга майське сась!  
Ванат вели, пара мялезт:  
Флакне мазептезь ульцять,  
Коста лямбе валса пилезт.  
Лии мороняц стирнять.  
Морай алясь, морай авась,  
Морай макокс панжи идсь,  
Морай сембе кели странась,

Морай майнь праздникть шиц.

\* \* \*

Масторть вельксса, менельть эса  
Валом шуди ару кожфть  
Самолёттне кярсихть вишкста,  
Мельгаст ваны Сталин вождсь.  
Сяс и пара тyani, пара—  
Эряфсь тиевсь ёфксонь райкс.  
Тячи радостта мзяра  
Тейнек канды мазы Майсь!







19-це раз'ездть и Воротынскый станциять йоткса перегонць ламо-са отличандакшневи. Сон керсеф крхка лоткса, конатнень мархта природась бта мярьгат тяштезень ня васттнень; перьф пяльге ащихть пантт и вирьхть.

Тястонь эряйхне ня крхка лотк-нэнди мярьгихть пропасть. Синь пяк пелькст. Синь пелькст аф ань-цек ялга якайхнэнди, но и маши-накинь и гужевой транспорттивок. Кда тияне молись аф осторожной-ста вятьсы эсь прянц, то пропастьсь сонь нильсы, кода йолма калнять кели курга шукась.

Ня пропастьтнень эзда фкя оцю пропастьсь ащи веленять инголе, керомок машинакить. Омбоцесь, ся-да йолмась и тайнянсь, ащи сяда алува.

Сорокина веленясь, ащи бта клет-каса: вальмятнень алга шуди Выса лийсь. Тингефталхнень омбоце бо-коваст нюрьги крута пандонь каряс, конань ланганза йотай машинакись, конань тиезе русскый народсь пу-ворксу кядьса ливость эзда салу и начказа модати.

Пара ваномс, мзярда пандть прява ёндолкс ётай пассажирскый поездсь. Тя минута бта няят аф поезд, а оцю гусеница, кона вишк-ста шашты скирттнень йоткова.

Востокса, ичкезе ащи вирть фтал-да лиссть кизонь шить васень лу-чанза, конат прамок летьке модать лангс, няят бта золотонь пулф...

Вов синь сраткшнесь, налхкомок од келунянь вирьса; вов синь же-мчужнай зёрнакс пиндолготсть ра-сав нартъ лангса; вов синь вачко-дсть Выса лийть ведензон лангс и пиндолготсть... Пуромсть золотонь кистьс и ведть лангста лийсть вели и вальмянь клянцекнень ланга кровяснесь бта аф оцю толнят.

Лучне сувасть комнатав, коса удость Тимошкась, Вовочкась и Наталкась. Мзярда лучне валдоптозь стенатнень и печьть удыхнень ша-мас, конань эзда Володясь нльня шерьхкозевсь и валомне тулхмаде-зе Тимошась. Синь удомань пачк аф шарьхкодевиства мтргодсть и лифтезь пильгснон шить лучанзон алу...

Шабатне сргозсть. Тимочкась стясь сембеда инголи. Тя ульсь кефкие кизоса йожу и смелай цьо-ране. Серес сон аф оцю, но эчказа.

Мзярда Тимошкась думондазеви, то кажнайсь мярьголь ба: „ванодова, тя цьоранясь таяскотсь наверно... Сонь куваказа выпуклай коняц, го-лубой оцю сельмонза корхтасть цьоранять оцю способностензон колга. Сембе вастса Тимошкась эсь юркай и смел шинц мархта отли-чался. Школаса пяк кельголезь сонь ялганза, а сембеда пяк кельгольхце учительницась—Мария Васильев-нась. Тя талантливай идть инкса сон фкакс кенярьдкшнесь, сон фкакс аноколь ламос азонкшнеме



тя скромнай и, сетяв цѳоранять тонафнеманц колга.

Пионеронь отрядса сон ульсь лиятненди кепотьксокс. Тянь инкса пионерхне Тимошкать кочказь звенань вожатайкс. Сембенди сон арсесь забавакс.

Тяда меле стясь Володясь, Тимочкать братьяц, тейнза 10 кизот, аныцек аф ламода упрямай. Жизнерадостнай Тимась весяласта пшкядсь Володяти:

— Вовка, тон стять?

— Мес?—Отвечась Володясь.

— Мес, мес... юкстайть штоли мезень колга корхнемя исяк?

— Вирть, панкнень колга, штоли?

— Ну да!.. Молят?

— А тон?—эрендезь кизефтсь Володясь.

— Мон, Вовка, мзярдонга аф потнян инголькиге арьсефть эзда... Азк молят?—Кизефнесь Тимошкась, ваномок Володять видеста сельмозонза.

— Молян,—согласиндась Володя.

— А монь сясамасть?—кизефтенень синь сазорнясна, 9 кизоса Наташась. Наташа тячи тяфтажа стясь рана и сетьмоняста ащекшнесь эсь вастсонза и кулхцоншкшнесь Тимошань и Володять интереснай корхтамаснон.

Наташать вайгяльняста кулевсь обида эсь кржа кизонзон лангс. Сон пельсь, што Тимошкась, Володясь и синь ялгасна аф сясвазь сонь эсь мархтост вири пангонкса. Но Наташась йофси мзярдонга аф меляфты стама пинге, мзярда ба мезса, мезса тейнза атказальхть, сявомс мархтост путешествондама. Тячи тейнза мес бди савсь спорямс упрямай Володять мархта сян колга, штобасяволезь сонь эсь мархтост.

—Вовка, месь спорсят Натускать мархта и дразнясак сонь,—пшкядсь Тимась.

Тяни Наташась марязя эсь прянц сяськикс. Сон содазе, што пангонкса соньге сясвазь. Володять мяльс тя ашезь ту.

А, Наташать, мекая лангт пяк мелезонза. И тянь честс нльня мялец сонь фалу морамс, комотнемс и тяконь мархта сядя пяк сафтомс Володять кяжензон.

Лисемок улхцяв, курукста кочкавсь Тимошкать ялганза, (конат эрайхть шабракс), Ванясь и Сережась терьдезь Володять и Наташать и дружной аськолксса тусть сембе марса вири...

Кизонь шись саворне куци вяри, прокс дуця пакшкафтома менельти. Ушесь ульсь сетьме, аныцек цють цють уфась сетьме варманя, кона каванясь панчфу лугава моли шабатнень танцти арапатнай кожфса.

Кепотьф мяльса и весяласта Тимошкась вяти эсь ялганзон вири и йотамок аф оцю васта, горяй пайгонякс гайняй вайгяльса вийцек ушедсть морама:

— Минь сембень шарьхкоцаськ, сатсаськ

и панчаськ!..

Мархтост синь сявсть пангонь каямс аныцек йолма кептерьненя. Тяда башка мезевок ашесть сявя. Синь ашесть сявя нльня крушкавок симомс, аф ваномок сян лангс, што синь симмасна ни сась, тя пси шити, а пилькс щямань колга мзярда корхнесть оцюфне, синь кулхцондомс мяльсненок ашель. Шабатне мольсть сяскава вишкста, бта кодама бди инстинктивной вий ряфциезень инголи и инголи...

Штоба ётамс вири, эряви обязательно ётамс машинакить туркс; тянь инкса эряви куцемс крута пандть прызонза. Шабатне арьсезь, што синь куцихть пандть пряс аф перетнень омбокова, седть вакска,



кона ащи пропасть туркс. Тоса йотамась сяда тьождя.

Пандть вельфке вирсь нинге ашезь няев. Синь сембень мяльсноль сяда курокона улемс вирьса и, эстейст апак шарьхкодть, куцезь ни пандть пяленц.

Наташась моразевсь:

— „Где это улица,

Где это дом?..

Сембе фатязь марса:

— Вот это улица,...

Няйвсь вирсь! Васенда няйвсь ичкозе ащи пиже бархотокс вирть пряц. Аф лама пингонь йотазь кармась штадома вирть трвацка. Вирсь тячи кати мес эсь ширезонза ускозь уски пионерхнень эса. Сон тердезь синь вирть кельме кожфкац, лопав тарадонзон мархта, конатнень ала панчфонь танцти шине. Акша панкне ашесть лисенде синь мяльс-товок. Кажнайть мялецель сяда ку-рок сяземс акша панга; кепотьф мяльняса кирдемс кядькунчкасонза и азомс: „пангоня, кодама тон ма-зинят!“

Вов синь куцезь пандть, конань прьстаняйвсь келеда келес и кувал-мода кувалмос пижя вирсь. Тяни ляткшни аныцек йотамс релецнень туркс и валгомс алу, а 15 минутада меле и вирсь...

Наташась ласькозь йотась ма-шинакить туркс. Ласьксть Ванясь и Сережась, но аф ся вастова, ку-ваня Наташась. Тимошкась мольсь Володянь мархта. Синь мес бди-исть кенорда. Синь мяльсноль ва-номс тя мази картинать: ширьде няеви веленять, вирть, седть пант-тнень лангс. Тя вастсь сашкава ма-зи, нльня ашель кода явштомс синь эздост сельме ванфце. Но Во-лодяти эрявсь кенордамс ялганзон мельге и вишкста ушедсь валгома алу.

Тимошась, кода ба пращамок тя

картинать мархта, ёжу ванксса нинге весть варжакстсь сонь лан-гозонза и валомне ушедсь асько-ляма. Но мзярда куцсь машина-кинь насыпть лангс и варжаксто-мок релецнень кувалмова, конат пиндолцть шить валдонц эзда, ко-да мярьгат пефтеме стальной стру-накс, сразу эводсь, нльня изь ве-ронда эсь сельмонзонды. „Тязовок кенерсть пинень ваймотне“, — эсь потмова арьсезевсь Тимась, мзярда няезе релецть, кона ульсь полаткс-видеста аертф боку.



— Инекуйхне, — ськамонза вер-ге вайгальхть кортазевсь Тимась, — кочкасть васта зверень эсь тев-снон тиemanцты. Релецне ульст сркафтфт эсь вастстост прокс аф ич-кизе седть эзда, кона видеса кись шары седти и машинистти коданга вдругста аф приметави. Тимась эстакиге лоткась и тя вредительскаяй тевть лангс ваномок, шачсь сонь эзонза аф азомшка оцю ненависть народонь вракненди, тянь эзда нль-ня лиссть сонь конязонза ливозень



оцю пукт, а телаванза тусть прокс понжапт якама, кода электрический ток. Минуташка сон ащесь таяс-котфста и думондакшнесь, мезе тиёмс, а ялганза ульсть-ни ичкизет.

— Шабат, Ша-ба-ат!—Кувакаста и кайгиста юваць сон.—Курокона тяза, тяза сада сяда курок!—И кяца яфиезь тердсь эсь ширезонза ялганзон.

Шабатне, сизефть эзда стакаста тарксезь ваймоснон и ливосьларпотмоса ласксть Тимать вакс.

— Мезе тиевь? Мезе муть?—Фкя-фкянь инголдазь кизефиность Тимошась.

— Тонь куй сусконзе?..

— Али пилькцень сялгить? Сурцень токаить?

— Мес акшелгодоть?

— Да аф жа!.. Ванода вона инголи,—и сон няфтсь сурса боку аертф рельценень лангс.

— Релецне аертфт!?! Дивандазь отвечасть Серёжась и Ванясь.

— Да, аертфт релецне,—кемокстазень Тимошась синь валснон и курокста прась и путозе релецнень лангс пиленц и сяда курок стясь и корхтай: — дайте арьседа мезе тиёмс, релецне цянайть, значит курок йотай пассажирский поездсь, конань эса ардыхть Москуву Верховнай Советонь депутатне.

— Тима, мон исяк „Пионерский правдаста“ лувонь, што терьневи Сессия,—кенордазь кортазевсь Наташась.

— Видеце, Наташа! Монга лувонь,—азозе Тимась.

— Дайте сяда курок арьсесаськ, мезе карматама тиендема.

—Эряви ванфтомс поездсь, поездсь, — отвечасть сембе.

Лоткафтомок ваймоснон тарксемода, синь сембе озабоченнайста

ванць Тимошась лангс и учсть мезе кармай тиендема сон.

— Кальдявста тиеме, што ашеськ саяя галстуконьконь,—мяргсь эряскодозь Серёжась, яфодемок кяденц алу.

— А, содасась, тя лияса ули кода тиёмс?—Кортазевсь Наташась и сонць танга эряскодозь азсь,—верса!..

— Кстиса!—Азозе Володясь.

— Но аш вдь минь кочкаф кстыеньке, а кочкама пингс колма поездт могут тапавомс. Верса эряви архтомс лоскод,—кенордазь пшкядсь Тимась,—синь сембе ванць Тимать сельмос и арьсекшность мезе тиёмс. Ну арьсекшнемс ашель мзярда.

— Наташа, тонь аш лоскод пакшкяце?

— Аш, Тимка.

Сяда тов сон кинге ашезе кизефне, и вишкста сязезе эсь панарожанц. Тя минутаня ляць мялезонза, „Пионер“ журналста картинась, кона тянь лангс ульсь пяк похожай.

— Эряви кенордамс. Ваня архт вешть байдек.—Сонць Тима куроконе таргась зепстонза йолма пельне и пяльхканц мархта оцю суронц йоткста кярозе кяденц, и тя ранаста якстерь сюреньякс тусь свежай якстерь версь, конань алу ладязе лоскодть и учсь верыяманц. Васенда Тима исьце маре серетьфть-но мзярс ащезь ушедсь псити сяредеме, но сембе сяка, Тима сускозень пеензон и кирдсь... Сон содазе, што тяфтома мезевок аф тиеви, сон содазе, што тя честень и геройствань тев эрь советский гражданинтти.

— Володя и Наташа!! Тинь арда куду,—Тимась пшкяць эсь сазоронцты и братьянцты.

Тянь каршес отказамать колга Володясь изь карма корхтамовок.



Сон содазе, што тянь колга спорь-семась ламос таргасы пингть и может тиевомс неисправимай неприятность. А пингсь лама-ни и вот-вот ни сай поездсь.

Тусть ласькозь алупантт Тимошась, Ванясь и Серёжась, пачкодемек седть вакс и комада шаштозьня йотасть седть ланга омбоце ширети. Тимать ранаста версь кармась шудемя сяда саворня и пси шити аф кенери лисемс версь тустоми и оцю путьксонь путиясь лоскодть лангс, конань лангс ляткшнесь аф оцю акша пятношкат.

Йотась танга аф лама пинге и лоскоткясь ульсь келеда келес якстерь, конань сотозь байдеконе пес и сетьме кожфкяти саворне либорць синь вельхксост.

Вов-ни няеви качамне, кона поездть вирьге ардомста лиссь паравозть трубаستا и таргавсь понажав пиксокс и кеподемек вяри камбаряф пря шеерькс ашкорявсь пиже шальса сотф шуфтнень пряс-нон перьф... Содаф, што тя ардсь пассажирскый поездсь. Пяк эрявсь кенордамс и синь вишкста фкя-фкянь мельге тусть палес ласькозь пандонять пряс, коса сяда няевиста можна кеподемс вяри флажокть и штоба сяда курук приметальхце машинистсь.

Вов-ни кармась няевоме поездсь, кона кичкорондай киге мянцевсь прокс атяменга дугакс. Пионерхне ков ласькихть, тов сядонга вишкомкшнесть синь пильксна, сяка йоткова аф шарфнемек перьфпяли кодамовок мяль. Синь мяльсостоль фкя: ласькомс поездть каршес и мезе аф няемс, а лоткафтомс полной скоростьса арды поездть, штоба сон афоль пачкодяся вастти, коса аертфт боку релечне. Тяни пелемска ни ашель мезда. Синь ваймосновок пси кожфти

изь тарксев сяшкава сизесть, но сякокс исть лотксе, ласьксть мезе вий инголи.

Флажоксь, кона ульсь Тимошась кяца, и либерьць, пси кожфти коськсь и тиевсь нльня равжа от-тенка мархта якстерьста.



Поездсь, кода равжа лавина вишкста шаштсь инголи, синь ширезост и рельсатнень лангс шарыхнень ритмичнайста стукамасна марявсь ни йофси маласа.

Тима гордаиста и смелста кепедезе коза сатсь кядец якстерь флажокть и приметамок якстерь флажокть и аф ламос учсезь машинистсь нолдась паравозть тифте бокованза туста пар, кувакаста и тревожнайста параськодом пачк паравозсь лоткафтозень шарыензон.

Тима апак стредондак ласьксь поездть малас. Поездсь лоткась йофси синь малазост 6—7-шка метрань расстоянишка вастс и стакаста уфкснезь нолясь кафта бокова аци паронь нолдама клапонтнень эзга туста пар, кона кеподемек вяри ссн шаркстсь аф оцю путькс ведьянкс и суфтозь суфты пиземнякс пизесь алу...

Мзярда шабатне мольсть паравозть вакс, паровозсь, кода мяргат спасибай герой идтнень



и танга рохазевсь „уф-уф,—хорошо! уф-ф,—хорошо!“

Эстакиге лиссь Кривоносовец машинистсь.

— Мезе тиевсь шабат?—пшкядсь сон.

— Машинист ялга, седть эзда 5—6 метрань вастса сязьф и аертф боку вастстонза релецьс,—кайгиста и увереннайста азозе Тима, ласькомок шабатнень ёткста машинистть малас.

Тимань эстакиге кеподсть лафтувонза и лофташкодсь шамац.

Кулемок Тимань тревожной кулянц, машинистсь комотсь паравознай буткать эзда и соду и мазуту кядензон мархта ашкодозе Тимошаты и палазе, кона пингова пшкядсь:

— Молодецтада шабат! Тинь те-вонтте настоящей героень,—и шабатнень мархта машинистсь тусь цють аф ласькозь Тимань мельге.

Пачкодемोक ся вастти, коса аертф релецьс эсь вастстонза, поездть командироц—машинистсь танга палазень Тимошаты, Ваняты и Серёжаты и корхтай:

— Молодецтада цьорат, курок-

ста шарьхкодеде. Именно тинь те-вонтте героенне.

Машинистть ня валдонза меле смелай и решительнай пионерхнень кулевсьвию вайгальсна: „Народнай тевть инкса минь фкакс аноктама“!..

Шида меле Ванянь и Сережань родительсна получать идень сана-торияста съормат, коза синь кучезень железной наркомсь Л. М. Каганович ялгась, синь геройскяй подвигснон инкса. А шишкада меле получать съорма Тимошаты родителенза, коса Тимась ровнайста тя-штьф букваса съормады:

... Шумбратада аляй и теряй! Эрянцебярста. Ялгане монь кизеф-несамазь, мезенькса монь кучемазь Артеку ваймама. Мон азыне, што монь кучемань героень тевонкса Лазарь Моисеевич Каганович. Тянкас ялгане шнамазь. Алей курок сай Артеку кельгома В. М. Молотов ялгась. Мон теенза сембе пионерхнень эзда азан седи вакстонь пара вал и мярьган азомода минь лемстонок пионерскяй пара вал, родной и сембенди седи вакса кельговикс Иосиф Виссарионовичти павазу и радостнай детс-ваньконь инкса.

Т. Новиков.



# ВЛАДИМИР КОККИНАКИ

Владимир Коккинаки лама тьожаньксть кепотькшнесь воздухти од самолеттнень лангса, сон лиендсь 50 шка различнай конструкция машина лангса, и эрь пингова сон кемоста ванфнесыне сят правилатнень, конат ладяфт испытательнай полетонди.


Коккинакись прекраснай парашютист, но вестьке нинге, нльня инь стака условияс, сон исьце кадонда самолетть и изь пользованда парашютть мархта.

Но эрь пингста, озамок самолети, сон щакшни лангозонза парашют. Парашютфтома лиендемс аф эряви. Тя—испытатель летчикть кшнинь правилац, и Коккинаки кемоста сонь соблюдает.

Владимир Константинович кемоста кельксы эсь профессиянц. Москву Дальнай Востокста мрдамок, 4-це шистакиге сон, кода обычна,



эвондсь заводть летнай станциязонза. И вов машинать ваксса. Мотористсь Василий Семенов нолдазень моторхнень. Коккинакись сяда лац лацсесы парашютонц, лацсесыне меховой пиманзон.



Ульцяса пси. Мотористтне и слесархне, конат работайхть самолетть перьф тифтень панарняса, шудихть лангаст ливсть. Пеетькшнемок шить каршес, Коккинаки сяда плотнайста пункснесы эсь меховой комбинзононц. Тейнза эряви лиемс 10—11 тьожятть метрат вярьга, а тоса 35—45 градуст якшама. Лиемати эряви анокламс модать лангса. Воздухса аш мзярда шарондомс „эсь персонацень перьф“.

— Воздухса всякай может улемс, — корхтай Коккинаки, — и летчиксь должен мумс эсь тейнза выход любовай минутаста. Но минь советский конструкторхне, башка сямомс Сергей Владимирович Ильошин ялгать и минь советский рабочайнке тиенцазь сембонь, штоба летчикть афольхть уле тяфтама „положениянза“. Цебярхть минь машинаньке!

Севернай Америкав лиемати Владимир Константинович ушедсь аноклама кафта кизода ламода инголе. Сон лама кемотть раз проверязе эсь прянц и машинать. Анокламань лиемакс Владимир Константинович лувондсы Дальнай Востоку лиеманцка. Атлантикань просторхнень вельфке Коккинаки лийфтезе минь родинаньконь гордай знамянц.

В. Дмитриев



# МИХАИЛ ГОРДИЕНКО



Иляденди шобдалготсть и тус-  
томсть дуцятне, конат велхтязь ме-  
нелть и модать. Кеподсь вар-  
ма. Тусь пизем, ушедсь само-  
летть модати люпштамонза. Ала,  
шобдаса кяшф пантт. Но ня пант-  
тнень йоткова, прокс мезевок аф  
няйви шобдаса самолетсь мушендсь  
эсьтейнза опасностьфтема ки.

Авиацияти сон мольсь 1929-це  
кизоня. Аделась наблюдатель лет-  
чиконь школа, арась Якстерь Ар-  
миянь военно-воздушной виень  
Научно-испытательной институтти  
штурманкс.

Ся пингть эзда сявомок, Михаил  
Гордиенко ялгати савсь лама  
лиендемс. Сон лиенць и Арк-  
тикав, лийфнесь воздушной ко-  
раблят Европась вельфке, прим-  
сесь участия Москва — Омск —  
Москва беспосадочнай перелетса.  
Михаил Гордиенко безупречнайста  
мольфтезе легкой самолетонь зве-  
нать Москва—Чернай морянь се-  
вернай побережьяванза маршрутка.  
Сон жа инь стака условияс ти-  
ендсь испытания од самолетти, ко-  
нань колга сядя меле курукста  
келемсь славась марнек мирть  
эзга,—тя „Родина“ самолетсь.

Вов мезенкса именна Михаил  
Гордиенкати тись предложение

Советский Союзонь Геройсь Кокки-  
наки, лиемс сонь мархтонза Амери-  
кав.

Тя полетти Гордиенко кувать и  
пьяк упорнайста аноклась. Кокки-  
накить мархта марса сон тиенць ла-  
ма тренировочнай полетт, штоба  
варжамс машинать, моторонзон,  
приборхнень, лиентсь сонь шить  
разнай пингова, всякай погодань  
пингста, штоба тонафтомс эсь орга-  
низманц различной условиятненди.

Полетти анокламань шитнень  
пингста Гордиенко лама времанц  
явшць и штурманский тевтиге. Сон  
цебярста тонадозе перелетонь трас-  
сать, содазе кодама вармат могут  
синь васьфтемс ки лангса, кодама  
островт и поселеният. Тонафнезень  
сон эсь радиоприборонзон. Целай  
3 неделят сон эрь шиня 3-част тре-  
нировадондась эсь прянц радио-  
граммань макссема и примама.



Коккинаки кунара содасы Ми-  
хаил Гордиенкань. Беседаса сон  
кода бди азозе, што Гордиенко—  
„тя воздухонь сире вирьгас.“

И кода нийсаськ, Коккинаки изь  
эльбядя.  
Е. Дочкал.





Саранский Пенькоджутовой комбинатонь рабочайхнень идьсна оцю радостьса и павазуста  
праздновасазь Майть 1-це шини.

СНИМКАСА: Пенькоджутовой комбинатонь идень садонь воспитанникне  
кштихть.


Алува стирнятне кштихть „маки“ танець и казачай костюмса кштихть „лезгинкаль“.







Саранский Пенькоджутовой комбинатонь идень садса рабочайхнень идьсна наря-  
жафт узбекский национальнй костюмса, синь няфнесазь, Советский Союзонь брат-  
ский народностнень идьснон мархта дружбасть.



Саранский Пенькоджутовой комбинатть идень садонь зданиянц уше ширьдень  
видоц.

Тя идень садса павазуста и радостнайста йотафнесазь пингснон Пенькоджуто-  
вай комбинатонь рабочайхнень идьсна.





Шовда вирь крайса  
Касондсь эчке куз,  
А ся кузьт ала  
Ускорявсь картуз.  
Коста жа тяза  
Картузсь появась?  
Кие кузьт ала  
Тяса „воявась“?

I

Велеса толхнень уфсезь. Сембе сетьмось. Аньцек велеть омба песа увасть пинетне. Весь шовдадонга шовда. Аф няеви ся ломанць, кона инголет ащи аньцек фкя аськолкс. Ши валгома ширеста шаштсь пизем дуця, конац вельхнезе менельть шовда тюсьса. Кифчиесь ёндог и ичкозе, ичкозе торась атям

Веле песа, край кудняса цифтордсь вальмава толня. Ся кудняса эрай Тима эсь аванц и вехкса кизоса Ваня цёранц мархта.

Сембе вельэрайхне удыхть. Костанга аф няят толня. А мес ина Тима тнярс аф уды?

Сон нинге тя пингс ашезь сува колхозуга. Мес сон ашезь сува колхозу?.. А сон вдь ашу. Сонь ба апак корхтак прималезь тов. Сон ёрсесь сувамс колхозу, но тейнза шорсесть попсь и Фома кулаксь.

— Тят сува колхозу... Колхозсь курок срады, а колхозникнень сембонь повсесазь, — корхнесь Тимати Фома.

И тя пингть самс Тима ашезь сува колхозу. Учсесь колхозть срадоманц. Сонь маштсь сёроц. Сёра

тейнза макссесь Фома кулаксь, конань инкса кошарякшнезе кулхцондомс сонь.

Сембе кулакне и попсь, дьячоксь и манашкатне пуромкшнесь Тимань кудс. Тоса синь корхнекшнесь эсь сатфкснон колга и арьсекшнесь мезе илядсь тейст тиёмс.

И вов синь пуромсть тянинге Тимань кудс. Сембе кудсь пяхксель: конат ульсть моркш ваксса, конат кенкш лангса. А стенать ваксса краватьса удось Ванясь. Сонь ваксонза озада ащесь тядяц, конац аф ламос ашезь мадсь.

Ванясь тонафнесь школаса. Сон ульсь пионер. Сон ламоксть кизефнекшнезе эсь алянц; — Аляй, мес тнярс аф суват колхозу?

— Йомблат нинге сембонь содамс. Мон тетьке максан пио-онер, — тяфта отвечаекшнесь тейнза аляц. Ванясь, кунара ни шарькодсь мес кудозост пуромкшнихть ня ломатне, но сон киндинге ашезь азонкшне, сяс мес пельсь алянц эзда.

И вов тячи, мзярда сембе пуромсть, сон тись пря удыкс и кармась кулхцондома, мезе кармайхть корхтама ня ломаттне.

Попсь шаштсь моркшть ваксс и кармась салава корхтама. Мзярда кифчяди вишкста ёндогсь или кайгиста ляци атямсь, ся ёткть попсь лотксесь корхтамда, саворне озондсь и уставсесь танга корхтама:

— Мон вов мезе ёран азомс. Пингсь минь эсонок аф учси, фалу и фалу сувайхть колхозу.



Мон тейнть ламоксть корхнень, манашкатненди эряви сяда лама работа вятемс эряйхнень ёткса. Эрависембонди маштомс, маштомс корхтама, маштомс васькафнема. Сембе манашкатненди ванды эряви кундамс тевти кода эряви.


А тинь, братьят, алянят, тячи, пока пизем, и шовда весь, тя эряви нолдамс прудть, а сяда меле мезе эряви тиёмс няйсаськ. Ванды мезе шкайсь канды. А тячи, сембе сявода револьверхт и каймот и аряда прудть нолдама. Манашкатне арда кудга.

Манашкатне кармасть мелцекек лисема кудста и кода равжа варсихть, тушендсть велеть эзда

А алятня тожа пуромсть кенкшлангс и учсесь мезе тага мярьги попись.

— Кулхцондость Фомать, сон ули руководитель. А тон, Никит, фталда Семань каймоса. А тинь лиядыксне, шаштода прудть фталу—и сембе. Ну, удалаза, арда.

Тусть, кудсь шамсь. Ванянь тядяцков-бди лиссь. Ванясь стяськраватть лангста, сон трнатсь, аварьгадсь, сельмоведенза пярятьсनावкс.



— Вай, тани Сёма атязень шавсазь,—арьсесь аварьдембачк сон.

Ванясь Панжезе вальмять и комотсь ульцяв. Пизесь вишке пизем. Кифчиесь ёндог и сидеста ляцендсь атямсь. Ванясь тусь ласькозь клубть шири, коса цифтордсь толня. Сон начксь, лангозонза ашесь ляд фкя коське сюреньявок, кельмось, авардсь. Сонь шамац ульсь эводьф, мярьгат кие-бди мельганза паньць.

Ванясь сувась клубу, коса молись колхозонь правлениять заседанияц. Тоса ульсть коммунистт, комсомолецт, колхозникт. Сембе шарфтсть мяль и ванць Ванянь лангс. Сон шаштсь пионерважатайть малас и азондозе сембе тевть. Пионерважатайсь азондозе тянь партийнай ячейкань секретарти. Аф лама пингта меле колхозникне тусть эсь прудс-нон и кельгома Сёма атяснон ара-лама. А Ванянь сявозе эсь ширезонза Серафим щняц.

Колхозникне саворня шаштсть прудть малас, азондозь сембе тевть Сёма атянди. Сембе арасть эсь вастовасть и учсть.

Ульсь сетьме. Пиземсь кармасть сетмома, но сякокс жа ульсь шовда. Вдруг сетьмоть калафтозь ляй кувалмовз сайхнень кашторфсна. Синь шаштсть кошть малас. Фкясь сувась кошу, тоса кивок ашель.

— Сёма тьса аш, тя сядонга пара—мярьгсь Фома и сембе валксть прудти.

\* \* \*

Тюремась ёгась курок. Кафта вракне, ульсть шавфт, фкясь стакаста ранендаф. Кафттне ульсть кундафт. Фкясь, Фомась ворягодсь.

Варьхмодема шовор Акулинань ширеста кундазь поптьке.

Шавфнень эзда фкясь ульсь Ванянь аляц. Ванянь, тядяц васенда



сюцекшнеше, а тоса лоткась. Кафта кова меле синь сувасть колхозу.

Тяда меле ётнесь шить, ётасть неделят и сась сёксесь. Шитне якшафтсть. Менельса шинясь лоткась эждемда. Паксятне сембе урядафт. Аньцек няевсть тюзя нуфтолхне, конатнень ёткова няевсь, кода пуворяй велеста лиси и вирти моли кинясь.

Ся кинять эзга всяла моронь моразь моли канфкя мархта Ванясь Вертелим вели. Сон моли щеняц шири. Кучезе сонь тядац мезень бди кандома. Пачкодсь Ванясь вир-

зонь пиже щамонц сёксень кеьмие варматне. Вирьса сетьме. Аф маряви кодамовок нармонень мора. Ванясь аф пелезь и моразь молись киге.

Вдруг марявсь тарадонь цятордома. Шуфттнень ёткова Ванять ширес ласки кодама-бди аля. Ванясь содазе Фомать и тусь ласкозь киге. Ванять сон сатозе и кундазе вирть омба крайса кузь маласа и, кода пляс пине эсьморондась Ванять кргас.

— Пращак пине лефкс светть мархта,—пейнь сускозь корхтась Фомась.



ти. Кармась шоподема. Иляткшнесь модемс нинге колма вайгальбет.

Вирсь ульсь галыш, сонь галышкафтозь, каяфтозь лангстонза ки-

— Тон монь шавсамак, веронь потяй инжа, но аф шавовихть велеса сембе пионерхне! —гайнясть сёксень вирнять эзга Ванять



Мекольдень валонза. Фома ухатсь  
Ванянь кержи бокс пеель...

\* \* \*

Ламос вешендемда меле Ванянь  
теланц музь вирьста ляй потмакс-  
ста.

Сонь калмамонза якасть сембе  
пионерхне, колхозникне, сиретне-  
вок, оттневок.

Ванянь веры картузонц, кона  
иляткшнесь кузь алу, сязозе пи-  
онеронь организациясь, сонь пу-  
тозь пионеронь уголку. Тя картузь  
лятфнезе пионерхненди кельгома  
ялгаснон.

Недяляда меле ульсь кундаф Фо-  
маська. Сонь кундазе вирь ванысь.

**Мезякаев.**





## Ванянь Просанясь

Ванянь Просанясь,  
Мазы од стирнясь,  
Марстонь паксяса  
Лац работайнясь;  
Шовдава рана  
Паксяв кялинясь;  
Паксянь тев ланга  
Шинь аф мяндинясь;  
Пяле гектаронь  
Проса кочкинясь;  
Вете сядонянь

Пулфонь сотынясь;  
Марстонь пуромкса  
Сон инь шнаманясь;  
Сон эрь кизоня  
Казнень сявинаясь,  
Цебярь славанянь  
Проса кандынясь.  
Тянка кельгсаськ минь  
Ванянь Просанянь,  
Мазы од стирнянь  
Равжа касанянь.



А. Мальки.

М. Капков.

## Лагерьса

Расась пиндолды сиякс  
Панчфу тишеть пряса;  
Лентакс таргаф ляйсь вирть ваксс,  
Лагерсь вирть трваса.  
Вов и моразевсь рожоксь,  
Пионерхнень стяфты.  
Расать суфты шинясь прокс,  
Сюрелданзон прафтозь.  
Итне ляй трвати ласьксть.  
Кайсесь, штама комотсь.  
Уйихть мацикс ляннять туркс,  
Синь аф вайихть омутс.  
Тяза ваймама синь сась,  
Пионерскяй лагерьс.  
Лама вийда синь прдайхть.  
Сьоксес мянь, сентябрьс...

1939-це киза.

## Кельгса тундаты.

Ляй трваса панжи лаймоть  
Ару кожфкясь сюдеряй.  
Панчфнень йоткса морай нармонць  
Идькс нюрмянся нюрый.  
Эх! и кельгса тунда паксять,  
Пиже шальса ашкотф вирть.  
Вирса нармоттне гай морайхть  
Кода илять мокшень стирхть.  
Тоньге кельгте панчфу луга!  
Тундань пиже, од руця  
Эрь шудава штай тонь расась,—  
Сетьме пиземнень дуцясь.  
Лангозт ваны мани шиське;  
Пионерхне якайхть лангат.  
Кочкайхт панчфкат тундаты  
йотамс,—

А, сай киза кстыда андат.





# ЯКСТЕРЬ ВАЗЬНЯ

(йофкс)

Эрьсь ащесь ёлма стирьня. Тя-  
дяц рамась тейнза якстерь вазьня  
и тя вазьнясь тяфта ладясь стирь-  
няти, што сембе кармасть тейнза  
мярьгома: Якстерь вазьня. Фкя пин-  
гоня тядяц пидесь копша и мярьгсь:

— Арта-ка Якстерь Вазьня, бабац-  
ти, кант тейнза копшаня и сяка-  
ня вайне, содак шумбра ли сон.

Якстерь Вазьнясь эстакигя тусь  
бабанцты.

Моли сон вирьге, а каршезонза  
сонь вирьгаз.

— Шумбрат, Якстерь Вазьня,—  
корхтай вирьгазсь.—Ков тон молят?

— Мон молян бабазень варжама  
—отвечась сон,—кандан тейнза  
копшаня да сяканя вай.

— А ичкозе ли сон эряй?—ки-  
зефнесы вирьгазсь.

— Пяк ичкозе, вона тя мельни-  
цать фтала, конац няеви инголе,  
веленяса васенце куднять эса.

— Вов мезе,—мярьгсь вирьгазсь:  
— молян монга варжаса тонь баба-  
цень. Мон молян тя киге, а тон во-  
на сянъ эзга, ванцаськ, кие минь  
эздонк сяда инголи пачкоди!

Вирьгазсь врьгягьсь сембе вийса  
ардома сембодонга нюрхкяня киге,  
а стирьнясь тусь сембодонга кува-  
кать эзга.

Ки кувалма сон кочксесь пяштть,  
панцесь милавнятнень мельге, ся-  
зендсь панчфт и тиендсь синь эз-  
дост букетт.

Йотась аф лама пинге, кода вирь-  
газсь ардсь ни бабать куднянц  
вакс и стуказе кенкшкягь:

Тук-тук

— Кие тоса?

— Тя мон, тонь уноконяце, Як-  
стерь Вазьнясь,—отвечась вирьгазсь,  
полафтомок эсь вайгяленц.—Мон  
кандонь тейть копшаня да сяканя  
вай, конатнень максозень тейть  
монь тядызе.

Добрай бабанясь ащесь вастса,  
сяс мес ульсь аф пяк шумбра. Вай-  
гяльс коря сон примазе вирьгазть  
Якстерь Вазьнять эземс и ивадсь  
тейнза:

Вархцодьк пикскягь и кенкшсь  
панжеви!

Вирьгазсь вархцодозе пикскягь,  
и кенкшсь панжевсь.

Тяса вирьгазсь врьгягьсь бабанягь  
лангс и сразу нилезе сонь, сяс мес  
кота шит ни изь ярхца.

Сяда меле сон пякстазе кенкшть,  
мадсь бабанягь вастс и кармасть  
учема Якстерь Вазьнять эса. Курок  
сон сась и кармасть стукама.

Тук-тук.

— Кие тоса?—кизефтезе вирь-  
газсь.

Марямок вирьгазонь эчке вай-  
гяльть Якстерь Вазьнясь васенда  
эводсь, но сяда меле думондась,  
што виде, бабанц шалхкоц пан-  
довсь и отвечась:

— Тя мон, тонь уноконяце, Як-  
стерь Вазьнясь. Мон кандонь тейть  
копшаня и сяканя вай, конатнень  
тейть максозень монь тядызе.

Вархцодьк пикскягь, и кенкшсь  
панжеви!—отвечась вирьгазсь. Як-  
стерь Вазьнясь вархцодозе пикс-  
кягь и кенкшсь панжевсь.

Мзярда сон сувась, вирьгазсь  
кяшсь одеялать алу и корхтай.

Путк арзять лангс вай мархта



сяканяць и копшаняць, тоньць сак,  
мадт монь мархтон!

Якстерь Вазьнясь каязень аде-  
жанзон и мадсь вастти. Сон пяк  
дивандась, мзярда няезе, кодама  
сонь бабац крхтапа и корхтай:

Бабай, кодама тонь кувакат кят-  
тне!

— Тя сянкса, штоба кемоняста  
тонь, иднязе, ашкодомс!

— Бабай, кодама кувакат тонь  
пилькне!

— Тя сянкса, иднязе, штоба ся-  
да вишкста ласькомс!

— Бабай, кодама оцюфт тонь  
пилетне!

— Тя сянкса, иднязе, штоба лац-  
кас кулемс!


— Бабай, кодама оцюфт тонь  
сельмотне!

— Тя сянкса, иднязе, штоба лац-  
кас няемс!

— Бабай кодама оцюфт тонь  
пейхне!

— Тя сянкса, штоба сивомс тонь!!

И ня валхнень мархта кяжи вирь-  
газсь врьгяць Якстерь Вазьняць  
лангс и сивозе сонь.



Саранская Мордовская 9-це № школань отличники.  
Снимкаса кержи ширьде види шири: Скеорцов, Альшин, Старкин, Суняйкина,  
Михеев, Девятайкина и Чембулатова ученикне оцю переменаста вятихть беседа ис-  
пытаниянди анокламати колга.

Фотось Ивенинть.



# ШАШКАСА НАЛХКОМА ТОНАФНИХНЕНДИ ЛЕЗКСОНДИ

Шашкаса налхкома тонафнемась аф стака, аныцек эряви тянь шири шарфтомс сатомшка мяль. Сяв-саськ шашкань доскаты. Сон явш-неви сембоц 64 квадратнай клеткава, лиякс мярьгомс 32 равжа клеткат и 32 акша клеткат.

Сянь инкса, штоба ушедомс шашкаса налхкомать, эсь ширьдет сявомок 3 рядса 12-нь шашка путневихть фкя шири акша шашкатне, омбоце ширети равжа шашкатне, аныцек равжа клетканетнень лангс. Кодя акша, а станя жа и равжа шашкатне равжа клеткаста-клеткас шаштыхть инголи по диагонали.

Мзярда кафцке ширдень шашкатне маладыхть малацек, лиякс мярьгомс акша шашкатне шаштыхть равжа шашкатнень малас и кда кодама-нибудь шашкаты омбоце боксонза клеткась ащи шава, то можна шавомс и шавф шашкась сявондеви доскаты лангста.

Шашкатне шавихть кафцке шири, а якыхть, дамскяй шашкада башка, аныцек инголи—противникть каршес.

Дамка мярьгихть ся шашкати, кона шашкань шавондозь али шава клеткатнень эзга молезь пачкоди „противникть“ ширдень инь крайняй клеткати и сяда мельде кармай якама и шавондома мекевасу мзяра кельк клеткань йотазь. Сяда башка эряви азомс, што мзярда „противникть“ шашканц вакс шашты омбоце налхкить шашкац и ули кода шавомс, а сон аф шави, то ся шашкац сявондеви за „фук“.

Шашкаса налхкомань задачакс ащи сяськомась. Сяськикс лувон-

дови ся налхкись, кона шавсыне эсь „противниконц“ сембе шашканзон, али мзяра нибудь синь эздост пякстай.

Пяксневихть шашкатне кержи или види ширьдень ужетненди, а кой-мзярда мянь кунчкавага. Пякстамс можна аф аныцек простой шашкась, но и дамскяй шашкаське (ваность задачатнень).

Штоба тьождялгафтомс и шарьхкодивиста азондомс задачать решандаманц, шашечнай доскаты кержи ужестонза (эсь ширдет) види шири молезь клеткатнень обозначандамс тяфтама буква: а, b, c, d, e, f, g, h, а вяри молезь сьорматтама цифрат: 1, 2, 3, 4, 5, 6, 7, 8.

Нят букватнень и цифратнень вельде тейнек можна лемдемс любовай клеткась и можна азомс эрь якамась.

Тяни марса решандатама задачат.

1-це задачась. Кодя пякстамс простой шашкась. Акшетне простойхне ащихть: е5, f4; дамкась d8.

Равчсь простойсь h8.

Якамась равчти, конанц ходоц фкя h8—g7. Акшесь дамкась d8—f6, конада меле равчть мекольдень якамац—h6. Акша дамкась сатсы g5 клеткаты. Равчсь простойсь h6 клеткати пякставсь—сяс мес аш права меки якамс, сонь сяда лама ходоц аш.

2-це задачась. Кодя пякстамс дамкась.

Акшетне простойхне: c5, d6, дамкатне: a5, d8.

Равчсь простойсь: a7.



Якамась равчти. Тейнза сави  
якамс дамкас—b8. Акша дамкас  
d8—c7; равчсь дамкас b8—a7.  
Акша дамкас a5—b6. Равчсь a7—a8,  
мезда меле акша дамкас b6—a7.  
Тяфтания равжа дамкас пьксневи  
в8 клеткати.


Колмоце задачась. Простой  
шашкати вельде дамкати пькстамац.

Акшетне простойхне: c3, d4. Дам-


кась h6. Равчне простойсь a3, дам-  
кась a1.

Равчнень васень якамстакиге  
a3—b2 (сяс мес теест аш лия выгод-  
найход) синь пькставихть акша дам-  
кати h6—c1 клеткати якамстонза.


Шашкаса налхкома тонафни  
шабат, кучсесть эсь арьсеф зада-  
чантень, „Якстерь галстук“ журналть  
редакцияс.



1-це задачась



2-це задачась



3-це задачась



# СЪОРМАТФТОДА

## „ЯКСТЕРЬ ГАЛСТУК“

Пионеронь и школьниконь журналть лангс. Журналть нолдайнза: ВЛКСМ-нь Мордовский обкомсь и МАССР-нь НКП-сь. Журналсь лисенди ковти весть. Подпискать примосесазь сембе письмоносецне, почтовой отделениятне.

<b>Питнец:</b> 1 кизос . . . . .	2 ц. 40 тр.
6 ковс. . . . .	1 ц. 20 тр.
3 ковс. . . . .	— 60 тр.

---

Редакциять адресоц:  
Саранск, Советская, Дом печати.

**„Якстерь галстук“**

---



Питерс, 20 гр.

Ученца и  
Судманеке 10 ДК

